




**ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ
ԱՊՐԻԼՅԱՆ ԵՂԵՌՆԻ ՀԻՄՆԱՄՅԱԿԻ ԱՌԹՎ
ՔՈՒՅՐ ԵԿԵՂԵՑԻՆԵՐԻ ՀՈԳԵՎՈՐ ՊԵՏԵՐԻՆ ՈՒՂՂԱԾ
24 ՍԵՊՏԵՄԲԵՐ 1964 ԹՎԱԿԻՐ ՆԱՄԱԿԻ ՊԱՏԱՍԽԱՆՆԵՐԸ**

**ՆՈՐԻՆ ՍՐԲՈՒԹՅՈՒՆ ՎԱԶԳԵՆ Ա,
ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ**

ԷԶՄԻԱԾԻՆ

Ձերդ Սրբություն.

Երախտագիտությամբ ստացանք այն նամակը, որով Դուք հայտնում եք Մեզ Հայ Առաքելական Եկեղեցու և աշխարհի բոլոր հայերի մտադրությունը՝ հիշատակելու Ձեր ժողովրդի վեճի պահաբերումը և աղոթելու նրանց հոգիների խաղաղության համար:

Հաճույքով հայտնում ենք Ձեզ, որ Մենք հրահանգել ենք, որ սուրբ պատարագին, որով սկսվում է Վատիկանի տիեզերական երկրորդ ժողովի նիստը, սույն նույնքեր ամսի տասնութի օրը, լինի եկեղեցական հանդիսավոր սուրբ պաշտամունք: Մենք հրավիրել ենք ամբողջ աշխարհի կաթոլիկ եպիսկոպոսական դասը, որ գրեթե լրիվ ներկա է ընդհանուր ժողովին, միանալու սույն քավիչ պատարագին, որը մատուցվում է հայ ժողովրդի բարի հիշատակին:

Մենք ևս անձամբ միանում ենք աշխարհի եպիսկոպոսներին, հայցելու Աստուծո խաղաղությունն ու հավիտենական հանգիստը մեկնած հոգիների համար, և Նրա ամենաառաատ ջնորհներն ու բարիքները Ձեր և Հայ Առաքելական Եկեղեցու վրա:

Մենք ցանկանում ենք նաև հայտնել Ձերդ Սրբության Մեր երախտագիտությունը Ձեր ջերմ ողջույնների և լավագույն մաղթանքների համար, վստահացնելով Ձեզ, որ Մենք հիշելու ենք Ձեզ և Ձեր ժողովրդին հաճախ Մեր աղոթքների մեջ:

ՊԱՊ ՊԱՎՂՈՍ Զ

ՎԱՏԻԿԱՆ, 7 նոյեմբերի 1964 թ.

Չերդ Սրբություն.

Ես ստացա Ձեր ծանուցագիր-նամակը առ այն, որ առաջիկա տարում Հայ Եկեղեցին և Ձեր ամբողջ ժողովուրդը նշելու են առաջին համաշխարհային պատերազմի ընթացքում զոհված երկու միլիոն հայերի հիշատակի հիսնամյակը:

Մենք ամբողջովին բաժանում ենք մեր եղբայրակից Եկեղեցու վիշտը և ողջունում Ձերդ Սրբության ավելի նախաձեռնությունը՝ Ձեր Եկեղեցու և ժողովրդի ողբերգության 50-ամյակին նվիրված հատուկ կոնդակի հրապարակումը, ինչպես նաև 1965 թվականը սուգի և աղոթքի տարի հռչակելը:

Թույլ տվեք հավաստիացնել Ձերդ Սրբության, որ Ռուս Ուղղափառ Եկեղեցին, Հայ Եկեղեցու մեծագույն վշտի օրը՝ ապրիլի 24-ին, իր ջերմագին աղոթքները կմիացնի Ձեր Եկեղեցու աղոթքներին՝ նահատակ հայ եղբայրների հոգու հանգըստյան համար:

Աղոթելով ու բարեմաղթելով Ձերդ Սրբության աստվածային մեծ շնորհներ, մնամ եղբայրական սիրով ի Զրիստոս,

ԱԼԵՔՍԻ

ՄՈՍԿՎԱ, 23 դեկտեմբերի 1964 թ.

Պատրիարք Մոսկվայի և Համայն Ռուսաստանի

Չերդ Սրբություն.

«Շնորհք և խաղաղություն յԱստուծոյ Հօրէ մերմէ և ի Տեառնէ Յիսուսէ Զրիստոսէ»:

Ստացանք Ձեր սեպտեմբեր 24 թվակիր նամակը, որի մեջ խոսում էիք առաջիկա տարի հայերի մարտիրոսագրության 50-ամյակը նշելու մասին: Այս առթիվ վստահացնում ենք Ձերդ Սրբությանը մեր աղոթքների վերաբերյալ:

Աշխարհի ամեն կողմ գտնվող անգլիկանները մեծ սեր ունեն Հայաստանյայց Ս. Եկեղեցու հանդեպ և հիանում են Ս. Գրիգոր Լուսավորչի ժամանակից մինչև ներկա օրվա նրա երկար պատմության և հավատարիմ վկայության վրա: Մենք գոհություն ենք հայտնում նաև Աստուծո՝ սրբերի և մարտիրոսների այն մեծ թվի և Ձեր ավգի անհաշիվ այն մարդկանց, կանանց և երեխաների համար, որոնք իրենց կյանքում ցույց տվեցին Զրիստոսի սերը և մահացան Նրա սիրո համար:

Զրիստոսյաները ամենուրեք մեծ վշտով կհիշեն հինգ տարիների այն ցավագին տառապանքը, որը քրիստոնյա հայերը համբերությամբ կրեցին կես դար առաջ: Ես ինքս կդիմեմ մեր հոգևորականությանն ու ժողովրդին, աղոթքով միանալու ինձ, հիշելու համար Ձեր Եկեղեցին և Ձեր համայն ժողովուրդը, երբ առաջիկա տարվա ապրիլին դուք կկատարեք նրանց հիշատակը:

«Երանի՜ սգալորաց, զի նոքա մխիթարեսցին»:

«Երանի է՜ ձեզ յորժամ նախատիցեն զձեզ և հալածեսցեն, և ասիցեն զամենայն բան չար զձեհնջ սուտ վասն իմ: Ցնծացեք և ուրախ լերուք, զի վարձք ձեր բազում են յերկինս»:

Թո՛ղ մեր երկնավոր Հայրը Հայոց աշխարհին, Ձերդ Սրբության, Ձեր եպիսկոպոսներին, քահանաներին և հավատացյալ ժողովրդին, հալվական գաղութին այստեղ Անգլիայում և աշխարհում ամենուրեք, պարզևի Իր շնորհի պրոությունը, որպեսզի Դուք բոլորդ կարողանաք անսասան կերպով այսուհետև ևս ամեն կերպ դիմագրավել ձախորդությունները մեր Տիրոջ՝ Հիսուս Զրիստոսի հավատով:

Ձեզ սիրող եբայր ի Զրիստոս,

ՄԱՅՔԼ ՌԵՄՔԻ

Արքեպիսկոպոս Բենտրեբրի,

Միտրոպոլիտ և Առաջնորդ համայն Անգլիայի

ԼԱՄԲԵԹԻ ՊԱԼԱՏ. Ամենայն սրբոց օր, 1 նոյեմբերի 1964 թ.

